



010000, Нұр-Сұлтан қ., Бейбітшілік к-сі, 11 үй
тел.: 55-66-31, 55-66-35, факс: 55-72-94

010000, г. Нур-Султан, ул. Бейбитшилик, 11
тел.: 55-66-31, 55-66-35 факс: 55-72-94

№
24.02.2021 № 1 ге

**Тұрақты комиссияның
2021 жылғы 24 ақпандағы
қаулысы**

**Мемлекеттік-жекешелік
әріптестік жобаларын құру
және іске асыру шеңберінде
Нұр-Сұлтан қаласының
мәдениет және спорт
объектілерін берудің тиімділігі
мен орындылығы туралы**

Нұр-Сұлтан қаласы мәслихатының әлеуметтік-мәдени даму мәселелері жөніндегі тұрақты комиссиясы «Мемлекеттік-жекешелік әріптестік жобаларын құру және іске асыру шеңберінде Нұр-Сұлтан қаласының мәдениет және спорт объектілерін берудің тиімділігі мен орындылығы туралы» ақпаратты тыңдап және талқылап, жергілікті атқарушы органның осы бағытта белгілі бір жұмыс жүргізіп жатқанын атап өтті.

Коммуналдық меншік объектілерін тиімді басқару, елорданың спорт объектілерін ұстауға бюджеттік жүктемені азайту, сондай-ақ елорданың туристік әлеуетін дамытуға ықпал ететін мәдени және спорттық ойын-сауық іс-шараларының санын ұлғайту мақсатында үш мүліктік кешен - «Барыс Арена» КМС, «Астана Арена» ФС және «Алау» МС 2019 жылы сенімгерлік басқаруға берілді. 2020 жылы Тәуелсіздік сарайы, «Астана-Бәйтерек» монументі, Бейбітшілік және келісім сарайы, Жастар сарайы, Амфитеатр берілді.

Сенімгерлік басқарушы осы объектілердің бюджеттік қамтылуын 2018 жылғы 4,0 млрд. теңгеден 2019 жылы 3,0 млрд. теңгеге дейін қысқартты.

Беру шарттары мыналар болып табылады: сенімгерлік басқарушының шығындарын жергілікті бюджет қаражаты есебінен өтеу жылына 3,0 млрд. теңгеден аспайды; мүліктік кешендерді жыл сайын сақтандыру; шамамен 100,0 млн. теңге сомасына өз қаражаты есебінен ұстау және жөндеу; коммуналдық балалар спорт мектептері үшін жеңілдіктер беру; мемлекет бюджетіне таза табыс сомасынан жыл сайын 10% аудару және т.б.

Қазіргі уақытта аталған спорт ғимараттарында Дене шынықтыру және спорт басқармасына қарасты 5 балалар мен жасөспірімдер спорт мектебі

жұмыс істеп тұр (БЖСМ № 2, 3, 4, 8, 9). Спорт нысандарына баратын БЖСМ тәрбиеленушілерінің саны 1,7 мыңнан астам баланы құрайды.

Ағымдағы жылдың 1 тамызынан бастап № 2 БЖСМ (қысқы спорт түрлері бойынша), № 8 БЖСМ (футбол), № 9 БЖСМ (теннис, ату) сияқты үш БЖСМ үшін жалпы сомасы 91,4 млн. теңгеге 100% мөлшерінде жеңілдік көзделеді. № 4 БЖСМ (судағы спорт түрлері) үшін жалпы соманың 25% бөлігі мөлшерінде 20,0 млн. теңге, жеңілдік сомасы 4,3 млн. теңге және № 3 БЖСМ (жекпе-жек) үшін жалпы соманың 70% бөлігі мөлшерінде 3,8 млн. теңге, жеңілдік 2,7 млн. теңгені құрады.

«Mtex management» ЖШС «Barys Arena Pool» бассейніне 2020 жылғы 1 қыркүйектен бастап 30 қарашаға дейін карантиндік шараларға сәйкес 1 жолға 1 адам, көп балалы отбасылардан шыққан балалар, жалпы саны 176 адам мүгедек балалар үшін тегін кіруді қамтамасыз етті.

«Тең мүмкіндіктер әлемі» ҚҚ қатысушылары бассейнге 2020 жылғы қыркүйектен бастап ақысыз негізде аптасына екі рет, дүйсенбі және сенбі күндері барады. Объектілерде мемлекеттік мектептерден басқа жеке спорт мектептері тәрбиеленушілерінің жаттығулары ұйымдастырылады, ондағы тәрбиеленушілер саны 1,5 мыңнан астам баланы құрайды.

Лимитте көзделген объектілерді ұстауға 3 млрд. теңгеден 2020 жылы шығыстар 2,8 млрд. теңгені құрайды (1,3 млрд теңге – «AVM» ЖШС, 1,5 млрд. теңге – «Mtex Management» ЖШС). 2020 жылғы тамыздан бастап қазіргі уақытқа дейінгі кезеңде объектілерде жалпы сомасы 39,2 млн. теңгеге ағымдағы жөндеу жүргізілді («Барыс Арена КМС ғимараттары; «Астана Арена» ФС шатыры, холлдары мен үй-жайлары; «Алау МС фитнес орталығы»).

Мемлекеттік-жекешелік әріптестік жобасы аясында 2018 жылдан бастап физикалық мүмкіндіктері шектеулі адамдарға арналған Паралимпиадалық жаттығу орталығы мен «Тарлан» мұз айдыны жұмыс істеп тұр.

Жаттығу орталығында голбол, отырып ойнау волейболы, арбадағы теннис бойынша спорттың ойын түрлері залы бар, пауэрлифтингке арналған кәсіби аймақ орналасқан. Спорт түрлері бойынша сабақтар тегін өткізіледі. Айына келушілердің орташа саны 3400 адамнан асады.

«Тарлан» СК жұмыс күндері сағат 13.00-ден 15.00-ге дейін және демалыс күндері мүмкіндігі шектеулі адамдар үшін жаппай конькимен тегін сырғанау өткізіледі (коньки тегін беріледі). Бұдан басқа, следж-хоккей және сурдо-хоккей бойынша сабақтар тегін өткізіледі.

«Зияткерлік технологияларды пайдалана отырып жаңғырту және кейіннен «Қазақстан» спорт сарайын пайдалану» МЖӘ жобасы аясында ColosseoEAS Active System зияткерлік технологиясын енгізу арқылы «Қазақстан» спорт сарайын заманауи, жоғары технологиялық және көпфункционалды спорт орталығына айналдыру көзделіп отыр, осылайша нысанға ұқсас спорт ғимараттарының барлық заманауи талаптарына сәйкес

келуге мүмкіндік береді. Осы жобаның арқасында халықтың спортпен жүйелі түрде айналысуға тартылуы артады.

Сонымен қатар, Нұр-Сұлтан қаласы мәслихатының әлеуметтік-мәдени даму мәселелері жөніндегі тұрақты комиссиясы бұл бағытта проблемалық мәселелер бар екенін атап өтті.

Мемлекеттік мүлік мемлекеттік-жекешелік әріптестік және концессиялар немесе мемлекеттік мүлік туралы заңнамаға сәйкес сенімгерлік басқаруға берілуі мүмкін.

Мемлекеттік-жекешелік әріптестік туралы заңнама шеңберінде сенімгерлік басқару ұзақ мерзімді қатынастар мүмкіндігін (5 жылдан 30 жылға дейінгі келісімшарттар), мемлекеттік қолдау шараларын ұсыну, оның ішінде жеке әріптеске шығындарды өтеу мүмкіндігін болжайды, шарт көпжақты болуы мүмкін, ҚР заңнамасында көзделген әртүрлі шарттардың элементтерін қамтуы мүмкін, шарт бойынша мемлекеттік міндеттемелерді орындауға бағытталған бюджет қаражатының шығыстары секвестрлеуге жатпайды.

Экономика және бюджеттік жоспарлау басқармасының ақпараты бойынша қазіргі уақытта мәдениет және спорт саласында мемлекеттік-жекешелік әріптестік механизмдері арқылы сенімгерлік басқаруға берілген объектілер жоқ.

Спорт объектілерін сенімгерлік басқару шеңберінде мынадай кемшіліктер байқалады: сатып алудың күрделі және ұзаққа созылған рәсімдері операциялық қызметтің қарқынын төмендетеді; сенімді басқарушының қажеттіліктерін толық қамтамасыз ету үшін 25% жеткіліксіз; нормативтік құқықтық актілерге сәйкес қызметтегі шектеулер (іс-шаралар мен концерттік қызметті ұйымдастыру қызметін дамыту бойынша мүмкіндіктердің болмауы); коммерциялық тиімді алаңның көп бөлігін жалдау ақысы төмен зәкірлі жалдаушылар алады; 2018 ж. өтем сомасының 10% мөлшерінде объектілерді күтіп-ұстауға және пайдалануға арналған шығындарды төмендету бойынша міндеттеме (2019 ж. бастап).

«Мемлекеттік-жекешелік әріптестік туралы» заң шеңберінде объектілерді сенімгерлік басқаруға беру кезінде ықтимал тәуекелдерді төмендетуге мүмкіндік беретін түрлі сала мамандарының қатысуымен жобаның орындылығы мен тиімділігін кешенді бағалау, ведомстволық сараптамалар жүзеге асырылады, бұл ретте «Мемлекеттік мүлік туралы» Заң негізінде мүлікті сенімгерлік басқаруға беру көрсетілген тәртіпті көздемейді.

Жоғарыда баяндалғанның негізінде Нұр-Сұлтан қаласы мәслихатының әлеуметтік-мәдени даму мәселелері жөніндегі тұрақты комиссиясы **ҚАУЛЫ ЕТТІ:**

1. «Мемлекеттік-жекешелік әріптестік жобаларын құру және іске асыру шеңберінде Нұр-Сұлтан қаласының мәдениет және спорт объектілерін берудің тиімділігі мен орындылығы туралы» ақпарат назарға алынсын.

2. Нұр-Сұлтан қаласының әкімдігіне:

мемлекеттік-жекешелік әріптестік жобаларын іске асыру шеңберінде Нұр-Сұлтан қаласының мәдениет және спорт объектілерін беру жөніндегі жұмысты жалғастыру;

мемлекеттік-жекешелік әріптестік туралы заңнама негізінде мәдениет және спорт объектілерін сенімгерлік басқаруға беру мүмкіндігін қарастыру;

ақпараттық жұмыс жүргізуді, оның ішінде жоспарланған МЖӘ жобасы туралы қызығушылық білдіру сұраныстарын ресми интернет-ресурста және МЖӘ дамыту орталығының интернет-ресурсында орналастыру арқылы күшейту;

МЖӘ жобаларын жоспарлауға және іске асыруға қатысатын уәкілетті органдардың қызметкерлерін оқыту қажеттілігін айқындау;

сенімгерлік басқаруға берілген қаланың мәдениет және спорт объектілері бойынша сенімгерлік басқару шарттарының көшірмелерін беру;

мәдениет және спорт саласындағы әрбір МЖӘ жобасының тиімділігіне бюджеттік, коммерциялық, қоғамдық, салалық бағалау жүргізу;

елорданың МЖӘ жобаларын сүйемелдеу бойынша «Astana Invest» қалалық инвестицияларды дамыту орталығымен өзара іс-қимыл нәтижелеріне талдау жасау;

елорданың спорт нысандарында қала жастарын 50% жеңілдікпен қамтамасыз ету бойынша ақпарат беру;

мәдениет және спорт объектілерінің қызметтерін сенімгерлік басқаруға және пайдаланғаны үшін шығыстарды өтеу бойынша бірыңғай әкімшіні айқындау мүмкіндігін қарастыру;

депутаттар, мүдделі органдар өкілдері қатарынан комиссия құру, Коммуналдық шығындарды өтеу қағидаларын әзірлеу;

мүмкіндігі шектеулі адамдарға арналған паралимпиадалық жаттықтыру орталығы мен «Тарлан» мұз аренасы қызметінің тиімділігін бағалау бойынша талдамалық ақпарат дайындау ұсынылады.

3. 2021 жылғы 26 наурызға дейінгі мерзімде қалалық мәслихатқа осы қаулының ұсынымдарын орындау бойынша ақпарат беру қамтамасыз етілсін.

4. Осы қаулының орындалуын бақылау Нұр-Сұлтан қаласы мәслихатының әлеуметтік-мәдени даму мәселелері жөніндегі тұрақты комиссиясына жүктелсін.

**Нұр-Сұлтан қаласы
мәслихатының
әлеуметтік-мәдени
даму мәселелері
жөніндегі тұрақты
комиссиясының
төрайымы**



А. Табулдина